

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
MINISTARSTVO ZA OBRAZOVANJE,
NAUKU, KULTURU I SPORT



Bosnia and Herzegovina
Federation of Bosnia and Herzegovina
ZENICA-DOBOJ CANTON
MINISTRY OF EDUCATION,
SCIENCE, CULTURE & SPORT

Broj: 10-34-13250-3-09/25

Zenica, 22.07.2025. godine

Parlament Federacije Bosne i Hercegovine
Predstavnički/Zastupnički dom
n/r sekretara

Bosna i Hercegovina
Federacije Bosne i Hercegovine
PARLAMENT FEDERACIJE
SARAJEVO

Primljeno: 30-07-2025			
Org. jed.	Broj	Priloga	Vrijednost
05/11	- 02 -	343	125

Predmet: Odgovor na zastupničko pitanje, dostavlja se

Poštovani,

postupajući povodom akta Stručne službe Skupštine Zeničko-dobojskog kantona, broj: 01-34-13250-1/25, od 08.07.2025. godine i akta Stručne službe Vlade Zeničko-dobojskog kantona, broj: 02-1-34-13250-2/25, od 11.07.2025. godine, putem kojeg je proslijeđeno zastupničko pitanje Sanela Kajana, zastupnika u Predstavničkom/Zastupničkom domu Federacije BiH, kojim se traže odgovori na pitanja: „Da li se razmišlja o povratku osmogodišnjeg osnovnog obrazovanja? Postoje li planovi za konkretnu i istinsku reformu obrazovnog sistema i zašto ona do sada nije provedena?“, Ministarstvo za obrazovanje, nauku, kulturu i sport Zeničko-dobojskog kantona se očituje na sljedeći način:

Na nivou Bosne i Hercegovine prelazak na devetogodišnje obavezno osnovno obrazovanje je nastalo kao rezultat potrebe usklađivanja naše pedagoške prakse sa pozitivnim iskustvima pedagoške prakse u razvijenim zemljama Evrope i svijeta. Na nivou Federacije Bosne i Hercegovine prelazak na devetogodišnje osnovno obrazovanje desio se na osnovu Rješenja o obrazovanju Upravnog tijela za pripremu prijedloga strategije prelaska na devetogodišnje osnovno obrazovanje u Federaciji BiH, koje je donijelo Federalno ministarstvo obrazovanja i nauke F BiH (akt broj: 05-38-377/05, od 04.02.2005. godine), a čiji je zadatak bio, između ostalog, da koordinira rad stručnim komisijama koje su izradile dokument Konceptcija devetogodišnjeg odgoja i obrazovanja – Okvirni nastavni plan i program za 1., 2. i 3. razred – Predloženi model. Implementacija uvođenja devetogodišnje osnovne škole u Federaciji Bosne i Hercegovine, pa tako i u Zeničko-dobojskom kantonu je počela od školske 2004/2005. godinu. Pravni osnov za implementaciju devetogodišnjeg obaveznog osnovnog obrazovanja u Zeničko-dobojskom kantonu je propisan članom 16. Okvirnog zakona o osnovnom i srednjem obrazovanju u Bosni i Hercegovini („Službeni glasnik u Bosni i Hercegovini“, broj: 18/2003, 88/2007), gdje se navodi da su „nadležne obrazovne vlasti i škole u Bosni i Hercegovini obavezne da, najkasnije do juna 2004. godine, stvore sve potrebne uslove za normalno otpočinjanje osnovne škole u trajanju od devet godina.“

Shodno obavezi usklađivanja kantonalnih zakona o osnovnom i srednjem obrazovanju sa Okvirnim zakonom o osnovnom i srednjem obrazovanju u Bosni i Hercegovini, Ministarstvo za obrazovanje, nauku, kulturu i sport Zeničko-dobojskog kantona je članom 5. Zakona o osnovnoj školi („Službene novine Zeničko-dobojskog kantona“ broj: 3/18) propisalo da „pohađanje redovne osnovne škole je obavezno u trajanju od devet godina“.

Shodno navedenom, Ministarstvo smatra da nisu stvoreni uslovi za transformaciju osnovne škole devetogodišnjeg trajanja u osnovnu školu osmogodišnjeg trajanja na području Zeničko-dobojskog kantona, jer se ista ne može provesti bez osiguravanja zakonodavnog okvira.

Kada su u pitanju konkretne reforme obrazovnog sistema, u osnovnim i srednjim školama na području Zeničko-dobojskog kantona kontinuirano se provode različite reformske aktivnosti. Deklarativno posmatrano, smisao reformskih procesa je učiniti učenicima i nastavnicima boravak u školi kvalitetnijim, smislenijim, funkcionalnijim, s manje stresnih situacija, a sa više rada, empatije, uvažavanja i zajedničkog rasta i razvoja. Od pojedinih reformskih aktivnosti se brzo odustalo, jer su postajale dodatno administrativno opterećenje za rad nastavnika, a čija se i funkcionalnost u trenutku provedbe činila nejasnom (npr: opisno ocjenjivanje u prva tri razreda). Svakako, realizirale su se i još uvijek se realiziraju i kvalitetne i funkcionalne reformske aktivnosti koje su obuhvatale, npr: revidiranje nastavnih planova i programa, naglašavale, podrazumijevale i omogućavale edukaciju nastavnika i unapređenje rada nastavnika, podsticale veći angažman učenika u nastavnim i vannastavnim aktivnostima na nivou škole, omogućavale bolju saradnju s roditeljima i lokalnom zajednicom itd.

U cilju kontinuiranog unapređenja odgojno-obrazovnog rada u osnovnim školama na području Zeničko-dobojskog kantona, kao i u cilju potrebe da se odgovori zahtjevima ovovremenog društva i savremenih globalnih tokova odgoja i obrazovanja, Ministarstvo za obrazovanje, nauku, kulturu i sport Zeničko-dobojskog kantona je usvojilo novi Nastavni plan i okvirni program za osnovnu školu („Službene novine Zeničko-dobojskog kantona“ broj: 11/25) koji objedinjava bogatu i kvalitetnu školsku praksu „tradicionalne bosanskohercegovačke škole“ nastale i razvijene na tlu Bosne i Hercegovine, s jedne strane, i provjerene i funkcionalne modele savremenih tokova odgoja i obrazovanja, s druge strane, najčešće zagovaranih u okviru integracije Bosne i Hercegovine u Evropsku uniju (EU). Napominjemo da su nastavni programi i nastavni sadržaji u novom Nastavnom planu i okvirnom programu za osnovnu školu urađeni u skladu sa zajedničkim jezgrima nastavnih planova i programa definiranih na odgojno-obrazovnim ishodima učenja.

Shodno navedenom, Ministarstvo za obrazovanje, nauku, kulturu i sport Zeničko-dobojskog kantona je Trogodišnjim planom rada Ministarstva za period od 2025-2027. godine, koji je sastavni dio Programa rada Vlade Zeničko-dobojskog kantona i kojim se realizuju strateški ciljevi, prioriteti i mjere iz Strategije razvoja Zeničko-dobojskog kantona 2021-2027. godina, („Službene novine Zeničko-dobojskog kantona“, broj: 3/21), kroz **program 1. „Unaprijediti usklađenost obrazovnog sistema s potrebama tržišta rada“ i program 3. „Modernizacija obrazovnog sistema za kvalitetno i fleksibilno održavanje nastave u redovnim i kriznim situacijama“** planiralo aktivnosti, mjere i prioritete kojima će se uraditi suštinska i konkretna reforma obrazovnog sistema (inoviranje nastavnih sadržaja, usklađenost sa tržištem rada, digitalizacija u sektoru obrazovanja i sl.).

S poštovanjem,

DOSTAVLJENO:

1 x Naslovu

1 x Stručna služba Vlade Zeničko-dobojskog kantona – na znanje

1 x Stručna služba Skupštine Zeničko-dobojskog kantona- na znanje

2 x a/a, 03



MINISTAR

Mirza Mušija



Bosna i Hercegovina, Zenica, Kučukovići br. 2

Tel: 032/460-840, fax: 460-842

e-mail min.obrazovanje@zdk.ba

03-05-07-09-02/8 2025

Bosna i Hercegovina
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA
Stručna služba Vlade



Bosnia and Herzegovina
FEDERATION OF BOSNIA AND HERZEGOVINA
ZENICA-DOBOJ CANTON
GOVERNMENT
Expert Service of the Government

Broj: 02-1-34-13250-2/25
Zenica, 11.07.2025. godine

Handwritten signature

**MINISTARSTVO ZA OBRAZOVANJE,
NAUKU, KULTURU I SPORT
N/R MINISTRA**

PREDMET: Akt sekretara Predstavničkog doma Parlamenta Federacije BiH, *prosljeđuje se*
Veza: Akt Stručne službe Skupštine Zeničko-dobojskog kantona, broj: 01-34-13250-1/25 od 08.07.2025. godine

Aktom Stručne službe Skupštine Zeničko-dobojskog kantona, broj: 01-34-13250-1/25 od 08.07.2025. godine, dostavljen je Vladi Zeničko-dobojskog kantona, n/r sekretara, Akt sekretara Predstavničkog doma Parlamenta Federacije BiH, broj: 05/1-02-343/25 od 07.07.2025. godine u prilogu kojeg se nalazi zastupničko pitanje Sanela Kajana, zastupnika u Predstavničkom domu Federacije BiH, upućen svim kantonalnim vladama kojim se traži odgovor na navedeno zastupničko pitanje u roku od 15 dana.

Uvaženi zastupnik postavio je zastupničko pitanje: "Da li se razmišlja o povratku osmogodišnjeg osnovnog obrazovanja? Postoje li planovi za istinsku i konkretnu reformu obrazovnog sistema i zašto ona do sada nije provedene?"

Navedeno zastupničko pitanje prosljeđuje vam se na znanje i nadležno postupanje.

Prilog:

1. Akt Stručne službe Vlade Zeničko-dobojskog kantona, broj: 01-34-13250-1/25 od 08.07.2025. godine
2. Akt sekretara Predstavničkog doma Parlamenta Federacije BiH, broj: 05/1-02-343/25 od 07.07.2025. godine u prilogu kojeg se nalazi zastupničko pitanje Sanela Kajana

Dostavljeno:

- 1x Naslovu,
- 1x Premijeru (na znanje)
- 1x a/a.





10-07-2025

Broj: 01-34-13250-1/25
Zenica, 08.07.2025. godine

11-07-2025

05 hf

VLADA ZENIČKO-DOBOJSKOG KANTONA
n/r sekretara Vlade

PREDMET: Akt sekretara Predstavničkog doma Parlamenta Federacije BiH, dostavlja se
VEZA: E-mail Parlamenta Federacije BiH-Pisarnica OTP od 08.07.2025. godine

U prilogu Vam dostavljamo akt sekretara Predstavničkog doma Parlamenta Federacije BiH broj: 05/1-02-343/25 od 7.7.2025. godine, koji je sa e-maila Parlamenta Federacije BiH-Pisarnica OTP zaprimljen na službeni e-mail Skupštine Zeničko-dobojskog kantona dana 08.07.2025. godine sa prilogom kao u tekstu istog, naslovljen između ostalih Vlada kantona i na Vladu Zeničko-dobojskog kantona, n/p sekretara, a kojim se i od kantonalnih ministarstava obrazovanja traži dostava odgovora na zastupničko pitanje zastupnika Predstavničkog doma Parlamenta Federacije BiH Sanela Kajana i to u roku od 15 dana, shodno odredbi člana 116. stav 3. Poslovnika Predstavničkog doma Parlamenta Federacije BiH, **te Vam se isti dostavlja na dalju nadležnost i postupanje radi davanja odgovora na isto Predstavničkom domu Parlamenta Federacije BiH direktno, te molimo da primjerak odgovora dostavite i Skupštini Kantona na znanje.**

S poštovanjem!



PRILOG: kao u tekstu

Dostavljeno:

☒ Naslov

1x Premijer Ze-do kantona, na uvid

1x Ministarstvo za obrazovanje, nauku, kulturu i sport Ze-do kantona, n/r ministra-na znanje

1x Predstavnički/Zastupnički dom Parlamenta Federacije BiH, n/r predsjedavajućeg Dragana Miokovića i n/r sekretara Ivana Miličevića— na znanje, ul. Hamdije Kreševljakovića br. 3, 71000 Sarajevo (redovnom poštom i putem e-maila: kabinet.predsjedavajuceg@parlamentfbih.gov.ba)

1x U predmet /05-02



05-01/08.07/25

Subject: 05/1-02-343/25 Min. obrazovanja i nauke FBiH, Kantonalna min. obrazovanja (Povratak osmogodišnjeg osnovnog obrazovanja, reforma obrazovnog sistema) F8E19422

From: Parlament Federacije BiH - Pisarnica OTP <pisarnica.otprema@parlamentfbih.gov.ba>

Date: 7/8/2025, 12:26 PM

To: "skupstina@zdk.ba" <skupstina@zdk.ba>

05-02/08.07/25

Poštovani,

u prilogu Vam dostavljamo:

343-25 zastupnicko pitanje- Sanel Kajan.pdf

Z		TON	
PRIMLJENO	08	-07-	2025
Org. jedinica			Broj priloga
01	34	13250	



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES
Secretary

Broj: 05/1-02-343/25
Sarajevo, 7.7.2025. godine

VLADA FEDERACIJE
BOSNE I HERCEGOVINE
n/p gospođe Edite Kalajdžić,
tajnika

VLADA KANTONA SARAJEVO
n/p tajnika

VLADA UNSKO-SANSKOG KANTONA
n/p tajnika

VLADA POSAVSKOG KANTONA
n/p tajnika

VLADA SREDNJEBOŠANSKOG KANTONA
n/p tajnika

VLADA TUZLANSKOG KANTONA
n/p tajnika

VLADA ZAPADNOHERCEGOVAČKOG KANTONA
n/p tajnika

VLADA ZENIČKO-DOBOJSKOG KANTONA
n/p tajnika

VLADA BOSANSKO-PODRINJSKOG KANTONA
n/p tajnika

VLADA HERCEGOVAČKO-NERETVANSKOG KANTONA
n/p tajnika

VLADA KANTONA 10
n/p tajnika

PREDMET: Zastupničko pitanje
n/p tajnika

U pritvku Vam dostavljamo, na nadležni postupak, zastupničko pitanje Sanela Kajana, zastupnika u Zastupničkom domu Parlamenta Federacije BiH.
Molimo Vas da odgovor dostavite u roku od 15 dana, sukladno odredbama Poslovnika Zastupničkog doma Parlamenta Federacije BiH, članak 116. stavak 3.

S poštovanjem,

Dostaviti:

- naslovljenima
- Službi Zastupničkog doma
- a.a.

IZ OPOSNE I HERCEGOVINIK
FEDERACIJE
ZASTUPNIČKI DOM
2
BOSNA I HERCEGOVINA
PARLAMENT
SARAJEVO
Ivan Milčević

Sanel Kajan

Parlament Federacije Bosne i Hercegovine

Zastupnik u Predstavničkom domu

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Prilijeno: 07-07-2005			
Org. jed.	Broj	Priloga	Vrijednost
05/1	-02-	343	125

Dostaviti:

Parlament FBiH – Predstavnički dom

Uputiti:

Ministarstvo obrazovanja i nauke FBiH

Kantonalna ministarstva obrazovanja

ZASTUPNIČKO PITANJE

Na osnovu Člana 11 i Člana 116 Poslovnika Predstavničkog doma Parlamenta FBiH, upućujem zastupnička pitanja FMON-u i kantonalnim ministarstvima obrazovanja:

Da li se razmišlja o povratku osmogodišnjeg osnovnog obrazovanja?

Pastuje li planovi za istinsku i konkretnu reformu obrazovnog sistema i zašto ona do sada nije provedena?

Obrazloženje:

Od školske 2004/2005. godine u Bosni i Hercegovini je zaživjela „reforma školstva“ kojom je uvedeno devetogodišnje osnovno obrazovanje. Sada, iz ove perspektive mnogi kažu: „Bolje da nikada nije!“

Trenutni sistem treba zaključiti u arhiv i pokazivati kao primjer na čemu obrazovanje ne treba zasnivati. Plan za obrazovanje potrebno je ponovno ispisati iz temelja - na osnovu dogovorenih ciljeva i ishoda učenja, te iskustva. U Bosni i Hercegovini škola je još mjesto ideologizacije, okoštalih nastavnih metoda i daleko od đачkih potreba i interesa.

Djeci je oduzeta godina djetinjstva. „Reformom“ nije ostvareno ni rasterećenje, ni digitalizacija. Nije ostvareno ono ključno - kreativnost djece, da stvaraju... U implementaciji Konceptije devetogodišnje osnovne škole nisu provedene promjene koje bi najviše doprinijele kvalitetnijem obrazovanju.

Škola se temelji na metodama ugnjetavanja, a većina toga počiva na strahu i sankcijama. Škola je nerijetko izvor ozbiljnih strahova, trauma, grčeva, unutrašnjih konflikata, trajne nesigurnosti... I djece, ali i nastavnog osoblja i uprava škola, koji su postali žrtve tromog sistema i nikad provedene systemske reforme obrazovanja.

I kako je to naveo Ozren Kebo, jedan od istaknutijih intelektualaca, novinara i pisaca u Bosni i Hercegovini: „Trenutni sistem obrazovanja sankcionira radost. Djecu, ta mlada bića u kojima sve vri od energije i pokreta, disciplinira i svakog dana primorava na šest puta po 45 minuta neprekidnog mirovanja u sjedećem položaju. A odraslima se savjetuje: ne sjedite, to je pogubno za vaše zdravlje. Pa zar nam sistem nije bolestan?!”

Stoga, kao izabrani zastupnik u Federalnom parlamentu pitam kantonalna ministarstva obrazovanja, kao i FMON – da li se razmišlja o povratku na osmogodišnje osnovno obrazovanje i postoje li planovi za isto, kao i za konkretnu reformu obrazovnog sistema?

Sarajevo, 7. juli 2025.

zastupnik

Sanel Kajan





Pošta

Hrvatska pošta Mostar

Uprava Društva
Dj. br.: 10-1-6032-1/25
Mostar, 24.7.2025.

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:		30-07-2025	
Org. jed.	Broj	Priloga	Vrijednost
05/1	-02-	345	125

BOSNA I HERCEGOVINA
FEDERACIJA BOSNE I HERCEGOVINE

PARLAMENT FBiH

Predstavnički/zastupnički dom
Hamdije Kreševljakovića br. 3
71000 Sarajevo

N/p predsjedavajući Dragan Mioković

Predmet: Odgovor na zastupničko pitanje

Poštovani,

Vaš dopis sa zastupničkim pitanjem, koje je postavio Sanel Kajan, zastupnik u Predstavničkom domu Parlamenta Federacije BiH, zaprimljen je u Društvo 23.7.2025. godine, Dj. br.: 10-1-22-6032/25 te dostavljamo traženi odgovor, kako slijedi:

- U poštanskom uredu Stolac (uključujući Crniće i Ravno) na dan 24.7.2025. godine zaposleno je 13 radnika.
- U Društvu se ne vodi evidenciju o nacionalnoj pripadnosti radnika niti se prikupljaju statistički podaci te vrste. U skladu s važećim propisima, člankom 43. Zakona o radu FBiH te Pravilnikom o sadržaju i načinu vođenja evidencije o radnicima i drugim osobama angažiranim na radu (Službene novine Federacije BiH, br. 92/16), nacionalna pripadnost nije predmet evidencije niti analize u okviru našeg poslovanja. Podatak o nacionalnoj pripadnosti radnika pripada posebnoj kategoriji ličnih podataka za koje je zabranjena obrada u skladu sa Zakonom o zaštiti ličnih podataka (Službeni glasnik BiH, br. 49/06, 76/11 i 89/11), izuzev iznimki propisanih članom 9. navedenog Zakona.

S poštovanjem,



Direktor – predsjednik Uprave

/ mr.sc. Mate Rupčić /

Dostaviti:

- Naslovu
- a/a

Hrvatska pošta d.o.o. Mostar
Put za Aluminij 131, 88000 Mostar
Bosna i Hercegovina
tel./fax: +387 36 445 000
www.post.ba
besplatni info telefon: 080 088 088

UniCredit Bank d.d. Mostar 3381002202006334
Raiffeisen BANK d.d. BiH 1610200016940081
JIB broj Društva 4227270280004
PDV broj 227270280004
Matični - registarski broj subjekta
kod Županijskog suda Mostar 1-10867